

թիւն քո զառաջին 'ի սահմանս Կիւլիկիոյ , և ես դիւրաւ ձգեմ յիս զամենեւին , որք կան արտաքոյ քումք վիճակի ընդ տէրութեամբ Օսմանցւոց 'ի բովանդակ Հոռոմաստան : Եւ զի Սաջատուր էր պարզամիտ ոք , 'ի խօսիլն Եղիազարու բազում ինչ հանդերձ խոստմամբք , ետ նմա հաւանութիւն . յայնժամ երկոքին նոքա 'ի միասին ուխտիւք դաշինս եղեալ հաստատեցին 'ի դիպող ժամու 'ի գլուխ տանել զիրան :

Մեկնեալ անտի Սաջատրոյ դնաց 'ի տեղի իւր , և յետ ժամանակի 'ի Կոստանդինուպօլիս վասն խռովութեան Գաւթի վարդապետի Բերիացւոյ : Եւ Եղիազար վարդապետ փութացեալ էառ ընդ իւր ոսկի բազում եւ դիմեաց առ ոտս Եպարքոսին , այն ինքն է Քէօպրիւլիւ օղլու Ահմէտ Փաշա , և մատուցեալ նմա զընծայս իւր առատ՝ հաճեցոյց զնա , և էառ հրովարտակ առանձին Կաթուղիկոսութեան , զոր խորհեալն էր 'ի վերայ Հայոց եղելոց ընդ տէրութեամբ Օսմանցւոց . էառ միանգամայն և զՊատրիարքութիւնն Երուսաղէմի : Էր 'ի բանակի Եպարքոսին մի ոմն յիշխանաւորացն Հայոց , Ապրօ Չէլէպի ասացեալ , զսա եւս յանկոյց Եղիազար 'ի կամս իւր և արար զնա իւր սրտակից և ձեռընտու : Եւ խորհուրդ առեալ 'ի նմանէ չ'յայտնել զիրան այլում առ ժամանակ մի , մեկնեցաւ անտի և դարձ արարեալ դնաց 'ի Բերիա : Յղեաց անտի վաղվաղակի թուղթ 'ի Կոստանդինուպօլիս առ Սաջատուր Կաթուղիկոս Սոյ , յորում գրեալ էր այսպէս . « Հոգեւոր եղբայրդ մեր Սաջատուր Կաթուղիկոս , 'ի հասանիլ գրոյս 'ի ձեռս քո , փոյթ ընդ փոյթ եթէ հնար իցէ , դու ինքնին եկեսցես ընդ սուրհանդակաց առանձին 'ի Բերիա . սպասաւորք և կարասիք քո զկնի ելցեն 'ի ճանապարհ . մի յամեր աղաչեմ , զի ժամ է կատարելոյ զբան մեր , զոր հաստատեցաք 'ի միասին յերուսաղէմ : Ընթերցեալ Սաջատրոյ զայս գիր՝ պատրաստեցաւ յուզի անկանիլ . բայց զգուշացեալ՝ զի մի 'ի դործել նորա զայսպիսի ինչ շտապաւ , ծագեսցի աղմուկ շփոթից եւ ինքն 'ի պատճառս այլոց 'ի բերան անկցի ամենեցուն , կոչեաց 'ի ծածուկ զմանս յերեւելեացն Հայոց և 'ի զգոնամիտ անձանց , ընդ որս էր եւ Երեմիա Չէլէպի Քեօմիւրձեանց , և խորհուրդ արար ընդ նոսա վասն իրացս այսո-